


*M. 9475.*

DISSERTATIO INAUGURALIS  
MEDICA,  
DE  
METHODI GASTRICAЕ USU  
ET ABUSU,

QUAM,  
UT GRADUM DOCTORIS MEDICINAE  
IN  
UNIVERSITATE CAESAREA LITERA-  
RUM DORPATENSI  
RITE ADIPISCATUR,  
CONSENSU ILLISTRIS MEDICORUM ORDINIS,  
LOCO CONSUETO  
PUBLICЕ DEFENDET  
AUCTOR,  
THEOPHILUS GUILIELMUS ZOEPFFEL,  
CURONUS.



DORPATI  
LITERIS MICHAELIS GERHARDI GRENZII  
TYROGRAPHI ACADEMICI,  
MDCCXI.

*In primatur.*

Daniel Georgius Balk,

Medicinae et Chirurgiae Doctor, Pathologiae et Therapiae Professor publicus ordinarius; instituti medico-clinici Director; a consiliis collegiorum Rossicis etc.



CXXIII: ii

## Introductio.

Antiquissimis jam temporibus methodum  
gastricam adhibitam invenimus. Primus,  
qui regulas quasdam de ejus usu exhibuit,  
quernadmodum etiam totam medicinam ad  
eum gradum evexit, in quo solo utilitatem  
afferre potuit, Hippocrates erat. Notio-  
nes ejus de crisiis, secundum quas in  
materiis excretis causas morborum quaesi-  
vit, quoniam post excretiones veram melio-  
rem aegroti conditionem vidit, eum eo im-  
pulerunt, ut materias coctas via, quam na-  
tura monstravit, expelleat; in quo omnes  
sequentium seculorum magni medici eum  
immitati sunt, quamvis in doctrina de crisi-  
bus ratio explicandi, quam hi sequebantur,  
ab ejus ratione maxime diversa esset. Docuit  
nos ad clima et tempus anni, ad aetatem

et sexum aegroti respicere, et ut id tantum excerneretur, quo morbus ortus esset. Signa praeterea definiit, quae excretionem necessariam redderent, remediisque usus est, quae non drafice operarentur; purgantia ejus simul emetica erant, atque omnia, propter minorem medicamentorum ejus temporis copiam, e regno vegetabilium erant desumta. Praecipuam cautionem in purgantibus adhibuit, eaque non nimiis in dosibus dari jussit, ne aegrotum debilitarent; propensior erat ad emetica, quamvis unius morbi tantum historia reperiatur, ubi morbus vomitu critice finitus esset. In schola Alexandrina Erasistratus purgantia vituperavit, quoniam ea humores corrumpere et febres putridas gignere opinatus est; e contrario diaetam modicam, balnea calida, et emetica commendavit. Haec postremo Asclepiades quoque Romae laxantibus praestari dixit, quoniam, quae alvum movent materias noxias non attraherent sed noxias demum redderent. Quod emeticis lubens utebatur,

id ex dissoluta vivendi ratione Romanorum, populis orientalibus devictis, explicari potest, apud quos remedium quasi domesticum erat ut saepe mechanica faucium irritatione ventriculum exonerarent, quo novum edendi apetitum sibi compararent. Nota Senecae vox est de aequalibus suis; vomunt, ut edant, et edunt, ut vomant. Galenus Erasistrato parciorem purgantium usum, quibus ipse lubentissime utebatur, vitio vertit; adhibuit ea in perspicuis partimque jam coctis primarum viarum im- puritatibus; sed pro varietate materiae morbosae agrotantis varia elegit. Ubi nulla excretionis signa adsunt, ibi aegroto commendat ptisanas, hydromel et oxymel, Emetica Galenus prorsus non laudat in periodo cruditatis; timet enim, ne cruditates ad excretionem nondum praeparatae, con- cussione primarum viarum, in secundas deducantur atque tum demum materiam morbosam divulgent; sequentibus demum diebus resolutione et coctione partim jam per-

fecta hyssopum veterum cum oxymelle commendavit. Galenū successores ejus atque seriores medici seculorum sequentium serviliter secuti sunt, qui minimum ad perficiendam medicinae doctrinam praestituerunt; contra empiria maxime circa latius propagata erat, quae certissime ad abusum methodi gastricae non parum contulit. Seculo decimo sexto, cum Paracelsus veteranam Galeni pathologiam humoralem concuteret, novumque systema conderet, ex quo quinque in corpore naturae, quae sanitatem gignunt, quaevis pro se quevis morbum producere posset; quemadmodum seculo decimo septimo, ubi systema Helmontii invaluit, in quo Archaeus, quid omnia in corpore humano regat partes primarias sustinuit; praeterea quoque systema Sylvii, qui oīnes morbos ex effarvescentia acidorum cum alcalibus explicavit — in his duobus seculis usus methodi gastricae prorsus fere oblitteratus erat, donec seculo decimo octavo incipiente per Sydenhamium, qui medicinam totam ad

experientiam revocavit, cui theoria obediret, rursus invaluit. Boerhauius eum secutus est in praxi, quae systemati ejus prorsus dissimilis erat. Fridericus Hoffmann, evanuantia praecepit in morbis gastricis adhibuit. Stoll, Hippocratis et Sydenhamii exemplo ductus, omnem theoriā relinquerē tentavit, ut via empiriae rationalis ad certam curandi methodum perveniret. Methodus de Haenii, quae ignava per se omne auxilium a natura exspectabat, et ex Stollii observationibus, aut lente tantum, aut prorsus non ad curationem duceret, medicum nunc laudatum veresimiliiter ad curandi methodum vehementiorem impulit, quae quoque propter regnante genium gastricum eo duxit, ut ad conditionem viarum primarum in omnibus morbis praecepit respiceretur, atque usus theoriae, quae gastrica vocatur, in primis vulgariteretur; quae theoria in posteriori hujus seculi dimidio, exclusis fere aliis, regnabat. Quamvis auctor ejus per genium gastricum

stationarium, per luxum et mores nationis et seculi corruptos maximam partem, prop- terea quod usum hujus methodi ita exten- disset, purgatus sit; tamen asseclis ejus se- rioribus, genio morbi stationario jam in ner- vosum immutato, summo jure vitio verti po- test, quod nullis finibus se contineri passi sunt in hac methodo adhibenda, quodque causas morborum semper in abdomen quae- siverint, quod alimentis corruptis atque im- puritatibus mucosis, biliosis et rancidis obrutum credebant. Sic multum huic methodo abusi sunt, donec Brown hoc meritum sibi acquireret, cum usum ejus limitaret; sed in hac re nimius quoque fuit, ad impuritates viarum primarum prorsus non respiciens; nulla remedia novit, nisi aut excitantia, aut debilitantia; ad posteriora nullo discrimine facto omnia purgantia et emetica adnumera- vit, ex quibus emetica in sthenias veris nulla conditione adjuncta adhibenda censuit, ubi utilitas tamen eorum propter concussionem, quam gignunt, non omni dubio caret. Sic

peripneumonias, in quibus Stoll maximam emeticorum utilitatem etiam sine venae- sectione vidit, omnes, non una quidem ex- cepta, sthenicas habuit, quamvis vix cogitari possit, ipsi in praxi latiori nunquam morbos occurisse, in quibus haemoptysis et ipsa adeo pneumonia vera per consensum ex stimulis biliosis ortum traxerint, quae tum aut nul- lam venaectionem ad veram curam in- stituendam postularent, aut in quibus haec indicationem curatoriam ad adhibenda re- media evacuantia praeparare quasi debuerit, Sed haec omnibus inde temporibus eorum, qui praecognitis opinionibus theoriam ali- quam faventes ad cubiculum aegroti acce- derent, fortuna fuit, ut adversus nutus na- turae maxime perspicuos coeci quasi essent, aut violenter eos theoriis suis accomoda- rent. Fritze quoque narrat, (medizinische Annalen für Aerzte und Gesundheitssiebende. Leip- zig, 1781) sibi, quum pro gradu doctoris adi- piscendo examinaretur, quaestionem proposi- tam, num in haemoptysi emetica adhiberi

possent, quam quaestionem se maxima examinorum comprobatione prorsus negasse. Nihilominus tamen experientia postea meliora eum docuit, et Stoll quoque per unicum emeticum saepe haemoptysin inhibuit, quae antea venesectionibus et nitro frustra impugnata fuerat. Ut ad Brownium revertamur, in purgantibus nullum respectum viuum derivantium, sed tantum debilitantium habuit. Temporibus recentioribus, ubi opera datur doctrinae medicae via experientiae et observationis conjuncta cum sagaciori chemica et dynamica organismi notione persiccienda, ratio quoque, qua emetica et purgantia operarentur, et adhiberi possint, quemadmodum etiam indicationes eorum et contraindicationes accuratius definitae sunt, et sic methodus sibimet ipse constans inventa est, quae modum universalem, secundum quem medicus, qui rationem ducem sequitur, in aegrotis tractandis procedat, moderetur.

## Sectio prima.

### De methodi gastricae usu.

#### I. Methodus emetica.

Vomitus est actus spasmodicus, stimulis in ventriculum specifice operantibus genitus, quo materiae in eo contentae, ut eae, quae in duodeno insunt, et materiae secretae jecinoris et pancreatis, motu antiperistaltico per os expelluntur. Acuta vomitus explicatio est, quam Marcus Herz (Briefe an Aerzte, 2te Samml. Berlin, 1784. S. 21 u. folg.) proposuit, cum eum in oblate aequilibrio inter duo fibrarum muscularium genera, quae ventriculum formant, oriri faciat, atque cum suis et Vepferii observationibus ductus, in praepondere activitate fibrarum muscularium longitudinalium a Cardia usque ad Pilorum super ambo ventriculi plana procurrentiū collucet, unde activitas antagonistica fibrarum muscularium per latitudinem ventriculi

forma circuli procurrentium debilitetur Pileorusque, finis ventriculi mobilis, sursum versus cardiam trahetur, atque sic cibi, aut aliae materiae in cavo ventriculi contentae, per oesophagm sursum expellantur. Operatio emeticorum ad duo praecipue momenta reducenda est: evacuationem et concussiōnem. Per priorem debilitantia fiunt; sed debilitatio haec non tanti facienda est, quam quae evacuatione fit sanguinis e corpore, aut humorum ex hoc secretorum atque organicorum factorum. Nam tum compensatio hic facilior est, tum cum materiis assimilabilibus etiam multae haud assimilabiles vulgo excernuntur, atque hae sunt proprie eae, quibus amovendis opera danda est. Sed tamen artis ope non ita leviter et consiliis convenienter procedimus, quam natura, quae cum materiis crudis corruptisque paucas tantum utiles excernit, quapropter vomitus naturalis plerumque non eam debilitatem relinquit, quam in arteficioso animadvertisimus. Altera emeticorum operatio

inest in concussione, qua, ut facile patet, toto organismo animali incitantia fiunt, et quodammodo debilitatem evacuatione ortam tollunt. Exserunt hunc effectum praecipue in viscera abdominalia pectorisque et in caput, unde incitantem habent operationem in ultimos vasorum fines et omnes secretiones et excretiones promovent. Hoc aspectu tantum vis sanguinem purificans iis distribui potest, quam vetus pathologia humoralis tanto in gradu iis adscriptis. Per fortē operationem in ventriculum ejusque plexus nervosos, qui consensu latissimo cum ceteris corporis organis conjuncti sunt, magna derivante gaudent atque impressionem, stimulis praecedentibus factam, aut partim, aut omnem, etiam in remotissimis organis tollunt. Hoc si respicitur, vera sunt antispasmodica, praecipue ubi dosibus parvis datae sunt, atque convulsiones saepe maxime insigni et pulcherrima ratione inhibent. Verum non sola emetica specifica vomitum gignere possunt, sed omnia, quae

ventriculum contra naturam extendunt, eumque ad contrahendum impellunt, ut et multae materiae, aliis qualitatibus mechanis praeditae motum hunc peristalticum inversum producunt. Propter ventriculi cum cute sympathiam emeticis tum inprimis utimur, ut incitatione antagonistica spasmum in extremis vasorum contaneorum finibus inhibeamus; et in multis cutis morbis maximum utilitatem praestiterunt. Patet hinc, quam latus usus eorum extendatur, et hic tantum in universum indicabo, quae nos ad eorum usum invitent, quaeque eum nobis interdicunt, et tum regulas quasdam in iis adhibendis observandas adjiciam.

#### Indicationes ad usum emeticorum.

I. Venena devorata omnis generis, brevi tempore postquam in ventriculo recepta fuerunt, antequam inflammationem genuerunt. Venena narcotica etiam seriem usum admittunt.

II. Crassiores impuritates gastricae ventriculi atque superioris intestinorum tenuium partis, quae in stimulos noxios abierunt atque in his partibus aut pondere, aut ambitu, aut aliis qualitatibus molestias gignunt.

III. Corpora in oesophago haerentia, quae removenda sunt; quae si parva sunt spongii ope in ventriculum detrahi possunt. Verum saepe hoc fieri nequit, si acuta sint et acumen eorum deorsum versus sit. Corpora, quae non amplius detrudi poterant et in quibus etiam forceps faucium nullam opem attulit, quaeque ab aesophago quasi inclusa et incarcerata erant, vomitu faciliter expedita et expulsa sunt.

IV. Ut incitantia in devicta pulmonum asthenia; in catarrho suffocativo, qui nihil aliud est, quam pulmonum paralysis; in congestionibus humorum mucosorum in bronchiis et pulmonibus, in omnibus asphyiae generibus; in morbis pectoris qui

per censemum stimuli in ventriculo contenti oribantur, ut in tussi stomachica.

V. Ad promovendas alias evacuaciones; ad bilem excernendam, quae ductum choledochum obstruit et icterum gignere potest; ad accelerandam secretionem et excretionem urinae ope concussionis et operationis in extremos vasorum fines; ad promovendam menstruationem in torpore systematis uterini, ope celerioris sanguinis circulationis inde ortae.

VI. Incitatio antagonistica. Plexus centralis ventriculi cum nervis multorum organorum coniunctus est; mania atque aliae cerebri affectiones inde deminuntur, modo ne character hypersthenicus adsit.

VII. Ad promovendam resorptionem; ubi accumulationes mucosae copiosiores in cavum aliquod sine inflammatione locum habuerunt, ibi concussio forsan optimum agens erit, quod sistema lymphaticum ad majorem resorptionem provocet; fibrā irrita-

irritabilem ad majorem actionem intendunt, atque relaxationem vasorum exhalantium tollunt, et resorbentium incitabilitatem augent; etiam in operatione eorum ab evacuatione temporaria nonnihil exspectari poterit, cum ex legibus physices humores majori vi in organorum vacuum ruunt, quo fit, ut cava et viscera cum ventriculo per sistema lymphaticum conjuncta nimia impletione liberarentur. Sic Balkius, professor celeerrimus, in tribus aegrotis, qui hydrope abdominali laborarunt, vomitum a natura ipsa ortum vidit, quo magna aquae copia excernebatur, atque conditio morbos a evidenter deminuta est. Similia etiam alii observaverunt, et literis mandaverunt.

#### Contraindicationes emeticorum.

I. Graviditas. Initium et finis ejus minus eorum usum nobis interdicunt, quam partus mox instans; multae tamen parientes sponte vomunt, unde partus acceleratus et

facilius redditus est; sunt quoque nonnullae, in quibus partus imminens modicum emeticorum usum injungit, ubi nempe ventriculus nimiis praecipue cibis difficulter concoquendis oneratus aut stimulus biliosus dolores inefficaces aut spasticos reddit; hic emetica maximum levamentum laboranti in partu afferunt, sed adhibenda sunt remedia leniter operantia, radix ipecacuanhae cum tartaro emetico; uterus gravidus fasciis latis suffulciendus est, atque aegrota situm commodum jacentem habeat.

II. Plethora universalis, congestiones sanguinis versus caput, thorax nimis sanguine impletus, plethora abdominalis, ex qua postremo causa in alvi obstructionibus etiam non adhiberi debent, ubi sex aut septem aut octo dies duraverunt; obstructum semper plethoram abdominalem gignit; in omnibus his maxime noxia oriri posunt ex iis, quoniam diathesin inflammatoriam in inflammationem topicam organi alicujus maxime irritati immutant; verum in con-

gestionibus versus caput et pectus, ubi earum causa, ut saepissime observatum est, in impuritatibus primarum viarum inest; maximam utilitatem praestabunt, atque in alium radicitus curabunt; sed omnes circumstantiae perpendendae sunt, atque ortus morbi respiciendus est.

III. Inflammationes abdominis etiam pectoris capitisque; interdilcunt eae usum emeticorum multum majis etiam, quam congestiones, idque eo majis, quo in inflammations puras majus immutatae sunt; nihilominus tam saepe hic accidit, ut tam idiota quam medicus non satis perspicax nausea symptomatica orta aut vomituratione aut lingua fœdida et colore faciei fœrido delusus, symptomata haec pro criticis naturæ motibus habeat, atque in iis admonitionem naturae ad emetica danda se itivenisse credat.

IV. Herniae; etiam hic sedulo ab emeticis cavendum est; ubi tieceflaria visceri possint, ut in incarceratione eartum in

annulum abdominalem, quae biliosa vocatur, utive concussione infaustum intestinorum situm mutari et forsan implicationem ea explicari sperari possit; ibi opera danda est ut idoneo suffulciantur; praecipue tum, ubi hernia reponi poterit, antea taxis adhibenda atque fascia hernialis bene accomodata applicanda est.

V. Fracturae praecipue eorum ossium, quae thoracem et caput constituunt, praeterea ossium sterni, costarum et crunii; fracturae extremitatum minus considerandae sunt; modo cura impensa sit situs commodi, ne fines oppositae ossium loco moveantur, atque deligationis convenientis et satis firmae.

VI. Incarceratio calculorum biliarium et renalium. Colica inde orta, cuius symptomata constantia nausea et vomitus sunt, ut ad totum aegroti conditionem respiciatur, postulat, unde hoc colicae genus statim agnoscitur, atque nemo vomitum hunc convulsivum emeticis datis augebit, ne peri-

culum crescat; sed sedando stimulo, qui vomitum genuit, malum removeri studebit.

VII. Scirrus ventriculi et extensio vasorum ejus aliorumque abdominis et pectoris viscerum aut aneurismatica aut varicosa. In scirrho vomitus semper jam adest, aut saltem perpetua vomitatio et vehe mens gurgitatio, simul atque cibi aut potionis in ventriculum devorabantur; ubi una dolor obtusus aut anxie praemens ab aegroto in ventriculo sentitur, hic jam ipsa inquisitio exterior, induratio palpabilis et inaequalitas, quomodo agendum sit, nos admonet; aneurismata vero et varices rumpere et profluvia sanguinis laetifera gignere possunt.

VIII. Excretiones criticae, quae alia via imminent; negotium enim naturae turbaremus, et deteriorationem morbi, aut metaschematismum efficeremus; quapropter Hippocrates jam sapientissimum praeceptum dedit ne versus diem criticum remedia de-

finite operantia adhiberentur, cujus legis medici recentiores eo magis rationem habere deberent, quo minus naturae ejusque viribus medicatricibus et nimium arti confidunt, atque nimia medicamentorum copia, et saepe eodem tempore methodis diversissimi generis in aegrotum impetum faciunt.

IX. Deformationes organicæ; eae multam cautionem in adhibendis emeticis postulant, praesertim struma, quae propter maximam laryngis irritationem, unde in vasa ejus humorum nimia copia colligitur, facile amplificari potest; in gibbo non minus noxia sunt,

X. Senectus, ubi propter fibrae rigitatem rupturae aut alia systematis vasorum vitia facile oriri possunt,

XI. Epidemia perquam typhosa, vel stationarius febris character vehementer typhosus; tales morbi, in quibus vires vitales valde deminutae sunt, nullas excretiones praeterea admittunt; nisi forte ex impuritatibus orti sint, quae yomendo summoveri

possunt. Nihilominus tamen Balk V. D. (Auszüge aus dem Tagebuche eines ausübenden Arztes, 1ste Sammlung, Berlin 1791) etiam decimo febris putridae nervosae die aegrotum ex maxima desperata conditione, emetico audaciter dato, eripuit.

XII. Idiosyncrasia maxime ab iis abhorrens, quae usum eorum non minus interdit, quam nonnullorum hominum peculiaris conditio, qui, ne maximis quidem emeticorum dosibus datis, nauseam sentiunt; hic opera danda est, ut impuritates alia via removeantur.

#### Regulae quaedam in usu emeticorum observandae.

I. Opera detur, quod ventriculus externe calidus sit; etenim eo certius nobis de effectu emeticorum persuasum esse potest, quoniam calore receptivitas ventriculi augetur, atque effectus secundarius promovetur, et motus sponmodicus etiam nonnihil saltem eo lenitur.

IL. Dentur emetica dosibus refractis; id eo propterea melius est, quoniam cuiusque irritabilitatem non semper novimus, quae praeterea variis temporibus varia esse potest; dosis tamen sufficiens sit, quoniam nonnulla emetica minori in dosi data alvum laxant, a quo in multis morbis febrilibus cavendum est.

III. Obstructiones pertinaces, si quae adsint, antea clysteribus mollientibus, leni- niter incitantibus antispasmodicisque tol- lantur.

IV. Si venaefectio et vomitus in eo- dem morbo simul indicata sint, instituatur illa, antequam emetica dentur, ne inflamma- tio ant oriretur aut, si jam affuerat, au- geretur.

V. Iis, qui nimia irritabilitate laborant, infantibus, femininis, praecipue hysterics, omnibusque iis, qui ad spasmos inclinent, non dentur ventriculo prorsus vacuo, quo- niam periculum est, ne validus tumultus in organismo animali excitetur.

VI. Ubi via solita dari nequeunt, quia aegrotus devorare non potest, ut in angina paralytica, ibi alia ratione viaque proce- dendum est; ope siphonis pharyngis in ven- triculūn injiciantur, et ubi hoc locum ha- bere nequit, ut in corporibus, qui totum aesophagi ambitum implent, ibi dosibus quintuplex aut septemplices in clysteriis ex infusis antispasmodicis aplicentur, qui si saepe repetiti non operentur, in conditione periculosa nihil reliqui est, quam infusio per- quam anceps solutionis emeticae in venas. Fomentationes cardiae solutionibus tartari emetici institutae maxime incertae sunt.

#### Indicata.

Pertinent haec partim ad regnum ve- getabile partim ad minerale; inter illa radix Ipecacuanhae praestantissimum est reme- dium, praecipue conveniens infantibus et quoniam simul antispasmodicum est, iis ae- grotis, qui debilitate irritabili et sensibili la- borant; dentur, gr. XV — XXV aut solite aut

cum tartaro emetico conjuncta, in qua con-  
junctione certius vomitum efficit, minusque  
alvum solvit. Usus radicis violae odoratae  
et caninae radicisque asari europaei et cor-  
ticis Caribaei majus minusque obsoletus est.  
Radix scillae lubenter adhibitur ut emeti-  
cum in congestionibus mucosis pectoris, quo-  
niam simul in hujus organa ut et in sistema  
uropoetium operatur; ex regno minerali  
utimur praecipue tartaro emetico in dosi-  
bus gr. jj — jjj propter certam ejus celerem-  
que operationem. In impuritatibus fixis  
usus praecedens infusorum aromaticorum  
additis floribus arnicae adeoque parvis opii  
dosibus ad conditionem spasmodicam sol-  
vendam commendandus est; quemadmo-  
dum ibi, ubi visciditas materiarum excer-  
nendarum exspectari poterit, sal antimonia-  
cum et extractum marrubii albi in infusis  
aromaticis optima erit cura praeparatoria;  
si diarrhoeae, quam tartarus emeticus  
facile gignit, occurrentum est, dosis ejus  
dari potest grj cum amyli grxv. Hoc reme-

dium Hufeland, ut notum est, nupe ut eme-  
ticum certissime operantem commendavit,  
quamquam certis haec operatio observationi-  
bus recentioribus dubio reddita est; facile  
etiam hyper emesin gignit, quapropter in ho-  
minibus irritabilibus aut caute tantum aut  
nullo modo adhibendum est. Veresimillimum  
est, operationem hanc ita vehementem esse,  
quoniam ope amyli adhaerentis tota tartari  
emetici dosis nunnulis superficie internae  
ventriculi punctis inhaerescat, nec ut tar-  
taro emetico in aqua soluta adhibito in om-  
nia hujus superficie puncta distribuatur.  
De conjunctione tartari emetici cum radice  
ipecacuanhae ad effectum laxantem impe-  
diendum supra jam locuti sumus. Nonnulli  
quoque vitriolo de cupro aut vitriolo zinci,  
quod tamen non probemus, utuntur. Aqua  
benedicta Rulandi et vinum antimonium  
Huxhami non fatis certa sunt propter inae-  
qualem adparationem.

## II. Methodus purgans.

Utimur hac methodo, ubi materiae excernendae profundius in tubo intestinali, in intestinis tenuibus et crassis sedem habent. Certis enim remediis specificē et stimulanter in fibram irritabilem tubi intestinalis operantibus fibra haec ad majorem motum peristalticum intenditur, humorum intestinalium major copia excernitur, qui, ubi cum eo, quod in intestinis contentum est, se conjunxerant, idque liquidius reddiderant, eique viam lumbricorum et propterea faciliorem aperuerunt, profusius hoc et minus consistens per anum expellitur. Una cum ciborum parte inutili et cum resinosa bilis parte, quae assimilari nequit, et in intestinis crassis putredine incipiente corripitur, praecipue multi humores intestinales excernuntur, unde maximopere hoc debilitans est; verum non perinde est quibusnam remediis ad aluum laxandum utamur; omnia in duas magnas classes distribuenda sunt, excitantium et de-

primentium; illa a veteribus purgantia calida, haec purgantia antiphlogistica vocabantur; haec posteriora in primis organismum animalem debilitant, illa vero modicis dosibus data, leniter solvunt et propter qualitates excitantes et roborantes tum semper adhibenda sunt, ubi excernendum quidem, sed non debilitandum est. Excretionem praecipue irritabilitate tubi intestinalis promota, minus glandulis mucosis excitatis et faecibus inde dilutis et solutis gignunt, ut in salibus mediis adspicimus, quapropter etiam non eandem quam haec relaxationem relinquent. Omnia vero in operatione quadam secundaria convenient, ut humores organicas ad punctum irritationis derivent, atque sic alia cava et organa iis liberent, unde et efficiunt, ut humores minus versus superficiem tendant externam.

### Indicationes ad usum purgantium.

- 1) Materiae non assimilabiles extra ventriculum profundius in tubo intestinali

haerentes, quae aut ipsae causam morborum continent, aut in stimulus accessarios abeunt.

2) Plurimi vermes; ascarides lumbrioides et vermiculares remediis lenioribus jam cedunt; verutii omnia taeniae genera et trichurides purgantibus drasticis tantum expelluntur.

3) Nodus naturae perspicuus, ut alvus critice solvetur; laxantium nulla tum alia operatio est, quam ut naturae auxilium ferant.

4) Ut stimuli antagonistici a capite derivantes, in mania aliisque sensorii conditionibus abnormalibus, aut a pectore derivantes.

5) Ubi materiae lymphaticae haud coagulatae et aquosae mucosaeque effunduntur, deducuntur hae ad tubum intestinalem et excernuntur. Systema lymphaticum impulsu quemdam tum patitur, et functiones suas recipit, quod si organon in statu irritationis fuerat, excitationi in tubo intestinali valentiori sedatur; praecipue hic laxantia irritantia convenient.

6) In morbis hypersthenicis venefectione praecedente ut debilitantia; hic magnus saluum mediorum numerus propter operationem directe debilitantem, quo simul gaudent, praecipue adhibendus erit.

#### Contraindicationes purgantium.

- 1) Omnes abdominis inflammations.
- 2) Inclinatio perspicua ad haemorrhoides; praecipue hoc tamen de iis purgantibus valet, quae calida vocantur, quae eas ipsa abdomine nimis sanguine impleto gignere possunt.

3) Ubi vidimus excretiones criticas sibi aliam viam eligere, tum iis abstinentiam est, ne salutarem naturae nisum turbemus, anomaliesque gignamus. In universum laxantia versus diem criticam data prorsus fere rejicienda sunt, eo solo excepto, si prodromi maxime perspicui diarrhaeae criticae adsint, aut in aliquo aegroto natura assuefacta sit omnibus morbis per tubum intestinalem criticie finiendis; verum etiam tum clysteres

mollientes aut leniter incitantes laxantibus  
quae propria sic nominantur, praferendi sunt.

4) Quemadmodum in omnibus alvi ob-  
structionibus clysteres praferri merentur,  
ita praecipue purgantia calida nunquam ad-  
hibenda sunt, ubi eae pertinaces et cum  
aucta abdominalis sensibilitate conjunctae  
sunt, ne plethora abdominalis in inflamma-  
tionem transmutatur. Hoc vero a purgan-  
tibus, quae antiphlogistica vocantur, non  
metuendum erit; his itaque optimo cum  
successu uti possumus.

5) Inclinatio ad lienteriam, ad fluxum  
coeliacum aliasque morbos, qui charakte-  
rem excretionum alvi habent.

6) Atonia tubi intestinalis, ubi metho-  
dus leniter incitans, subtonica majis adhi-  
benda est.

7) Instans partus; ubi necesse sit, an-  
tiphlogistica majis sibi vindicant, quamquam  
et tum soli clysteres praferendi sint; pur-  
gantia vero draistica et perquam incitantia  
diligenter sunt vitanda.

Re-

Regulae quaedam in usu purgan-  
tium adhibendae.

1) Ea in talibus tantum dosibus adhi-  
benda sunt, ut excretiones non liquefiant  
sed faeculentas gignant, ne debilitatem  
praecipue organorum assimilantium, humo-  
ribus intestinalibus chyloque excretis, relin-  
quant.

2) Dynamicus morbi character inspici-  
atur, praecipue irritabilitas ventriculi et tubi  
intestinalis; ubi irritabilitas aucta est, ibi  
salia media, laxantia acida, olea pinguia et  
cet. dentur, in torpore vero laxantia magis  
incitantia; rheum, mercurius dulcis, folia  
sennae, Aloë.

3) Hominibus irritabilibus et in crudi-  
tatibus valde adhaerentibus dosis divisa de-  
tur, ita ut pars dimidia vespere, pars mane  
sumatur; sic aequalius operabuntur, nec  
tam facile spasmos intestinales gignent.

4) Observetur regimen subfrigidum,

5) Ubi impedimenta adsint, ibi effectus  
eorum clysteribus adjuvetur.

6) Non adhibenda sunt nulla cum interruptione, ne praecipuum omnis restaurationis organum debilitetur.

### I n d i c a t a.

#### I n c i t a n t i a e t c a l i d a.

Aloë, rheum, radix et resina jalappae, scammonium, gratiola, poma colocynthidis, mercurius dulcis, folia sennae, gummi guttae.

#### D e b i l i t a n t i a e t a n t i p h l o g i s t i c a.

Fructus acidi, manna, pulpa tamarindorum, cassia fistula, salia media, olea expressa, oleum ricini.

---

### S e c t i o f e c u n d a.

#### D e a b u s u m e t h o d i g a s t r i c a e.

In ultima saeculi praeteriti parte medici gastricam theoriam praecipue in delicis habebant, atque, quam omnes reliquae theoriae sortem quoque expertae erant, etiam haec aliquamdiu unice fere regnabat. Tubus intestinalis solum fere organum erat, ad quod respiciendum esse credebant, simulque sola fere sedes omnium morborum omniumque materiarum morbosarum; in eum itaque ad felicem curationem exhibendam omnis operatio directa erat, eaque semper evacuans, ut materiae hae, quibus nomina multa multasque qualitates tribuebant, expellerentur. Nemo fere aegrotus erat, quin resolventia aut emetica aut purgantia adhiceret. Omnes fere morbos, nullo discrimine habito, nullisque indicationibus ad eam rem praesentibus, gastrice tractabant. Verum enim vero omnisne morbus gastri-

cus gastrice, hoc vero est remediis evacuantibus adhibitis, tractari potest? maximum discrimen est inter curationem morborum gastrorum et gastricam curationem morborum; hoc ultimum id erat, quo omnes fere medici antiquiores devenerunt. Etiam nunc satis frequenter medicus in morbos incidit, in quibus abdomen praecipue affectum esse certissimum est; num propterea evacuantia illa, emetica atque purgantia semper adhibebit ad morbos funditus curandos? aliter sine dubio procedet. In malo aliquo tractando non semper quod dolendum est ad naturam ejus respicitur; quae res quot errores pariat per se patet. Vix enim symptomata febrilia adspiciuntur, cum statim jam, si ejusmodi conditiones praecesserint, ex quibus impuritates primarum viarum derivandae videantur, quasque ubique adspici credunt, his removendis resolutum ope omnis cura impenditur, atque salia media, quibus ad hoc efficiendum utuntur, in febribus, nullo respectu habito,

utrum hypersthenicum an asthenicum characterem ferant, adhibentur, quamvis posterius ubi locum habet, sine dubio maximum damnum afferant, quippe quae gradum debilitatis augeant, praecipue tubi intestinalis; qua ratione malum aliquod, quod nullo medico advocate soli naturae forsan cessisset, gravius atque gastricum demum redundunt. Omnes ubique humores, qui in corpore vivo contenti sunt, propter operationem incitantem, qua praediti sunt, conditionibus gravissimis adnumerantur, quae gradum activitatis systematis naturae convenientem praecipue sustinent. Ubi itaque hic indicationes ad haec remedia adhibenda aderant? jam ubi re vera impuritates vomitu aut ejectione alvi excerni videbant, statim eo tractationem, quae rationi convenient, niti credebant, id non respicientes, quod sanissimus etiam ventriculus atque tubus intestinalis his salibus mediis frequenter datis integritate necessaria privetur, et sic ad materias gastricas gignendas et colli-

gendas ea opportunitatem praebant. Quo usque ubi jam processum erat, colophonem operi eo addiderunt, quod materias solutas emeticis aut purgantibus removebant. Sic multi medici, qui prodeesse volebant, nocuerunt; non raro enim in hac consueta tractandi methodo prima omnis restorationis organa viribus ita privantur, ut stimuli morbos, qui aliter ea non affecissent, nunc eo rejecti veram multorum malorum sedem primariam ibi figerent. Etenim non sufficit, corpori humores organicos deduci, qui antea ad stimulorum summam pertinentes excitationem normalem in eo oriri faciebant, verum etiam restauratio impeditur, cum fibra laxa viribus ad assimilationem necessariis careat, aut chylus inefficax una cum excrementis liquidis abigatur. Cum omnibus his remediis evacuantibus roborantia quidem simul conjungebantur, ita ut illa pro malis necessariis haberentur; quod causam continebat, cur minus nocerent, quoniam haec operationem illarum statim emenda-

bant; verum quoniam semel materias gastricas adesse opinati erant, curatio insequens ex gastrica quoque methodo profecta esse debuit, cum id non animadverteretur, quod facilius priusque adspici debuisset; quoniam methodus gastrica magno hominum damno tutelam eorum praesentissimam sibi comparaverat. Sic in omnibus vitae periodis etiam tenerrimis procedebatur; sic medici naturam sibi in simplicissimis actionibus etiam corrigendam arrogabant. In primis post partum diebus sanctissima et inviolabilis lex erat, ut infanti neonato potionem laxantem darent, quae quam celerrime meconium, nisi prius jam abscesserat, removeret. Verum meconium, quod sanitati conveniens in tubo intestinali infantum recens partorum inest, artificiosam excretionem postulare vix naturae consentaneum videtur.

Id enim eos fefellit, meconium hoc per plures jam menes in tubo intestinali infantis conditum fuisse, nullis malis eo genitis, naturaeque alia et graviora negotia quam

secretionis intestinalis incumbere, materiamque hanc fixam in spatio viginti quatuor horarum non excerni posse, meconiumque bonum esse integumentum contra alimenta magis incitantia; sed falsa opinione seducti infantem statim potionē laxante vexant. Collostrum non purgans sed lenis tantum stimulus aquosus est quod meconium diluat; propterea infans recens partus mammæ maternæ admoveatur; quod si factum est, experientia docente, sordium illarum, quas tantopere timent, nulla ratio habenda est, cum infantes hi celerrime et citissime iis liberentur, in quibus medicus minimum ex juribus naturae debitum sibi arrogavit; verum purgantibus illis tubis intestinalis statim ab initio debilitatur, quamvis jam torpore per se affectus sit, quod frequens vomitus infantum colicaeque et lac coagulatum in ventriculo et intestinis tenuibus satis demonstrant. Lenis itaque abdominis frictio, calor sufficiens et balnea leniter aromatica remedia sunt adversus atoniam intestinalium

in infantibus recens natis, sicubi iis opus fuerit, sed non potionē laxantes, quae hanc atoniam etiam augebunt. Similem rationem secuti in fine cujusvis exantheūtatis febris uno pluribusve laxantibus opus esse credebant, quasi natura id, quod contagii morbosī specifici supererat, cuique excernendo superficiem corporis manifesto destinarat, solo tubo intestinali certissime excernere posset. Sed hoc organum externa peripheria nobilius est; a superficiebus ignobilioribus itaque externisque materiae ad nobiliores et nervis magis abundantes internas derivabantur. Quid, quod corpus praeterea etiam eo tempore debilitabatur, quod jam propter totum morbi decursum praecedentem maxime perspicuum debilitatis characterem referebat. Miram hanc circa tubum intestinalem providentiam medici sponte etiam in hominibus maxime sanis monstrant, subinde emetica et purgantia commendantes, ut scilicet corpus puriscent, utque sanitatem sustineant. Non mirum itaque

est, quod hac agendi ratione ubique recepta gastricus morborum character vi fere extortus fuerit, quodque abdominis organa primariam omniam morborum sedem continuo-rint. Vix enim aliter fieri potuit, cum tot potentiae debilitantes in haec organa influerent, iisque et vim et gravissimum ad conservandam sanitatem totius organismi influxum subducerent. Ubique acrimoniae, quae in tubum intestinalem rejectae essent, excernendae adspiciebantur. Contendebant, difficile esse, in primo stadio, ubi febris quasi venosa etiam effet, gastricum ejus characterem agnoscere; h. v. e. providere, num crisis in intestina verteretur, numque materia febrilis per intestina excerneretur; nam necessarium esse hoc praescire, quo via in methodo curandi vitarentur, quae exitum infaustissimum et lethalem adeo secum ferre possent. Ne quoquam peccare-tur, statim ad minimam complicationis ga-stricae speciem solventia adhibebantur, et

materiae turgescentes pro variis earum symptomatibus aut sursum aut deorsum ex corpore excernebantur. Vernum praecipue tempus erat, ubi medico sanitatis et ener-giae corporis cura incubuit. Magna radicum et herbarum copia in decoctis data, aut succi earum recens expressi, ut et magna seri lactis purgantis copia, aut magnae aquae mineralis amphorae naturae obtrudebantur, quo humores lenirentur, et acrimoniae, quas ubique adesse somniabant, educeren-tur, totumque corpus sordibus collectis libe-raretur. Quoniam cæce praeceptis patholo-giae humoralis adhaerebant, haec morbo-rum explicandorum et tractandorum ratio in-valuit, et sanissimi nonnunquam queque non impedire potuerunt, quominus potionibus his insipidis inefficacibusque partim quoque purgantibus ventriculus inundaretur. Succi herbarum recens expressi minora damna in-tulisse videntur, quoniam in forma hac con-centrata organa assimilationis minus onera-

verunt, quoniam herbae et radices aromaticaet incitantes, quae iis continebantur, operationem reliquarum aut meliorem rediderent, aut prorsus tollerent; imo nonnunquam quoque utilitatem afferre potuerunt. Simili consilio, quam ea remedia et eae rationes curandi, de quibus locuti sumus, clysteres quoque adhibiti sunt, quibus ex eo tempore, ex quo Kaempf opusculum de hypochondria ediderat, et medici et profani multum abusi sunt, quoniam hic eorum usum contra omnes fere morborum formas chronicas nullis limitibus circumscriptum commendaverat. Sed cum paucis annis numerus eorum plura millia superaret, cumque praecipue sexus femininus ad pulchritudinem conservandam iis uteretur, adversarii necessario exoriebantur, qui de abusu monerent. Verum ab altera parte hi nimium quoque sibi arrogaverunt, cum omnem eorum operationem in iis morbis, ubi Kaempf, auctor hujus scripti, utiliter

eos adhibuerat, negarent, contenderentque, omnia haec mala iis pejora fieri. Sed justo latius Kaempf usum eorum quoque exten dit, cum ex tribus morborum partibus duas semper oriri crederet, quarum proxima causa in infarctibus abdominis inesset. Methodus ejus a prudenti medico adhibita sine dubio maxima commoda attulit; medicamenta enim hic indicata organum affectum directa via semper fere attingere potuerunt, atque operationem celeriorem et certiorem spondere videbantur. Verum ubi numerus eorum ultra plura millia extendebatur, ubi semper et quotidie pluries repetebantur, per insipidos clysteres praecipue tubus intestinalis omnibus viribus privabatur, et magna humorum organicorum copia in eum derivabatur, quorum excretio, secus atque medicus voluerat, eum et totum organismum animalem destruere debuit. Nusquam a more semel recepto inveteratoque recedebatur, quin ipsae curae, quae prophylacticae vocabantur, quae,

si rationem sequi volumus, rarissime tantum admittenda sunt, ex iis plerumque remediis constabant, quae excretionem tubi intestinalis gignerent. Jam si reputamus, morbos longe plurimos imo omnes fere asthenicos esse, naturae consentaneum erat, hac curandi methodo adhibita solam dispositionem asthenicam in verum morbum asthenicum transfire, atque saepe loco febris asthenicae lenis accendentis statim febrem charactere maxime maligno adductam esse.

Sic multiplex abusus methodi gastricae erat. Omni fere curandi rationi ea admiscebatur, aut adeo basin ejus constituebat, unde innumera damna genus humanum perpessum est. Multi aegroti, qui ex veris indicationibus brevi tempore sanati fuissent, propter hanc methodum per multas ambages, atque inventa demum recta ratione mali tollendi, post longum tempus scopum exoptatum attigerunt, atque felices se praedicare potuerunt, si vires naturae praestan-

tes, quibus pollebant, vitium medici compensarent, ipsique non nimis diu debilitate tubi intestinalis atque indigestione laborarent; alii vero mortem invenerunt, ubi in morbis anticipibus natura morbi non agnita erat, atque varia remedia evacuantia adhibebantur, unde eo tandem pervenit, ubi omnime medici auxilium irritum esset. Ab una parte ab hac methodo ubique recepta tanquam ex fonte uberrimo morbi secundarii procedebant; ab altera vero his tollendis non par erat, si sine discrimine ubique, et si character dynamicus eorum semper fere asthenicus sit, adhibebatur. Nihilominus tamen officium hoc sibi injunctum ubique credebant, ut corpus sordibus et acrimoniis liberaretur. Maxima commoda huic methodo propria medicus prudens nunquam non agnoscat, verum tantum, ubi necessarium fuerit et caute, ea utetur. Sed dolendum est, quod empiricis rudibus saepe ita inseriat, ut ensis acutus manu infantis vibratus.

Hoc demonstrare consilium meum erat; verum sentio, multum abeste, ut id affecutus sim. Indulgentiam itaque lectorum imploro, quam mihi eos non negaturos spero, ubi reputaverint, eum, qui quinque tantum annos medicinae operam dederit, ad perfectionem nondum pervenire potuisse.

### T h e f e s.

---

#### I.

Omnis vitae periodus primaria, ad genus et gradum sensibilitatis quod attinet, proprio temperamento gaudet.

#### II.

Animus est organismi servus, organismus animi tyrannus.

#### III.

Proxima cancri causa inest in aucto nisu formativo cum charactere astheniae.

#### IV.

Quodvis temedium morbis non medetur nisi conditione morbosa antagonistica excitata.

#### V.

Principium Hahnemann ad operationem medicamentorum explicandam tam theo-

riae rationali quam experientiae quotidiana adverfatur.

VI.

Tota inflammationum doctrina, qua talis, ad Chirurgiam non pertinet.

E r r a t a.

Pag.	3	lin.	13 expelleat lege expelleret, 15 immitati lege imitati, 19 posifremo lege poſtremo. 5 apetitum lege appetitum. 14 agrotantis lege aegrotantis. 15 ihi lege ibi. 6 praefituerunt l. praefiterunt, 6 circa lege caeca. 9 veteram lege veterem. 16 quid lege qui. 19 effarvescentia l. effervescentia. 7 vereſimili- lege verifiſimili- 8 fuit lege fint. 3 non lege ne. 10 poſtularent lege poſtularint. 13 omnibus lege ab omnibus. 15 faventes lege foventes. 23 haemoptifi lege haemoptysi. 10 veneſectionibus lege venaſectionibus. 15 poſſint lege poſſent. 17 definitae lege definitae. 11 13 in oblatō lege e ſublatō. 15 cum lege eum. 20 collucet lege collocet. 1 forma lege forma. 3 trahetur lege trahatur. 1 tota lege toti. 13 aspectu lege respectu. 9 diſtribui lege tribui. 20 datae lege data. 14 8 cutaneorum lege cutaneorum, 14 interdicunt lege interdicant, 15 9 ſpongii lege ſpongiae. 14 aefophago lege oefophago. 17 devicta lege directa. 16 2 oribantur lege oriebantur. 15 deminuntur lege deminuntur. 18 mucosae lege mucosae. 17 7 ruunt lege ruant. ibid. organorum lege organum. 19 liberarentur lege liberentur,
------	---	------	--

- Pag. 17. lin. 18 condrindicationes lege contraindicatiōes.
- 18 — 4 nimiis lege nimiris.
  - — — 16 postremo lege postrema.
  - 19 — 10 majis lege magis.
  - — — 11 majis lege magis.
  - — — 12 majus lege magis.
  - — — 15 symptomatica l. symptomatica.
  - 20 — 2 nitive lege ubive.
  - — — 5 idoneo lege idonee.
  - — — 7 accomo- lege accommo-
  - — — 11 crunī lege crani.
  - 21 — 11 praemens lege premens.
  - — — 16 laetifera lege letifera.
  - 23 — 16 — — quo.
  - — — 11 spasmoidicus lege spasmoidicus.
  - 24 — 16 ant lege aut.
  - — — 19 infantibus lege infantibus.
  - — — ibid. femininis lege feminis.
  - 25 — 7 aeophagi lege oesophagi.
  - — — ibid. dosibus lege dosis.
  - — — 9 aplicentur lege applicentur.
  - — — 22 solite lege sola.
  - — — 5 majus lege magis.
  - — — 6 adhibitur lege adhibetur.
  - — — 7 congettib⁹ lege congettib⁹.
  - — — 9 uropoetum lege uropoeticum.
  - 27 — 1 nupe lege nuper.
  - — — 2 operantem lege operans.
  - — — 3 certis lege certa.
  - — — 4 dubio lege dubia.
  - — — 7 veresimillimum lege verisimil-  
limum.
  - — — 10 nunnallis lege nonnullis.
  - 28 — 8 qui, ubi l. q̄i ubi sine commate.
  - — — 5 solvunt lege alvum solvunt.
  - 30 — 2 accessarios lege accessorios.
  - — — 21 excitationi lege excitatione.
  - 31 — 1 venefectio- lege venefectio-
  - — — 4 quo lege qua.
  - — — 19 diarrhaeae lege diarrhoeae.
  - 32 — 9 transmutatur l. transmutetur.
  - — — 17 majis lege magis.
  - — — 20 majis lege magis.
  - — — ibid. vindicant lege vindicat.